



Universitätsbibliothek Paderborn

**Spes & Fiducia, Cvris Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 1. Tentatio ac solicitudo hominum, pro pane quotidiano, quo modo,
curanda?

[urn:nbn:de:hbz:466:1-49823](#)

deuiginti habuit, morbo liberat; hunc denique, triginta octo annos, in porticu & paralyssi iacentem, post tot hyemes, erigit. Sed erigit, tanto tempore, patientissima spe, perseuerantem; & erigit extemplò; nam, dictum factum, quippe *statim sanus factus est homo ille.* Enim uero adeò sanus factus est, ut illico sustulerit ipse *grabatum suum*, nouus Atlas factus. Ex quibus omnibus enumерatis exemplis clarum fit, quām diuersa sint diuina iudicia ab humanis? cūm toties Deus iudicet manū porrigendam ijs, quos homines esse deferendos iudicauerunt; quorum vtrumque docet, nec nimiam in hominibus fiduciam collocandā, nec vñquam Deo diffidendum. Hoc est, quod veteri proverbio dicitur: *Dens de machina:* stat enim ille pro nobis inuocatus, cum nos etiam in extrema regula stamus.

C A P V T. IV.

Exempla prouidentissimae, in homines, diuinæ Bonitatis, circa alimenta.

§. I.

Tentatio, ac sollicitudo hominum, pro pane quotidiano, quo modo curanda?

Quæ

Væ potentia Christi fuit, in desperatissimis morbis pellendis, ea etiam fuit, in sedanda fame. Nam septem panibus saturauit, in deserto, quatuor millia hominum, extra paruulos & mulieres. Hanc potentiam benevolentiamque si discipuli eius satis agnouissent, nunquam fuissent, dicturi: *Vnde ergo nobis, in deserto, panes tantos, ut saturemus turbam tantam?* neque alij diuinæ diffiderent bonitati, qui, pro ventre & sagina, nimis solliciti dicunt: *Quid manducabimus? aut quid bibemus? aut quo cooperiemur? que omnia gentes inquirunt.* Hinc, vt canis pane, & auis esca capitur, sic diabolus multos capit sollicitudine ciborum. *Premium scorti,* ait, *vix unius panis;* *vsq[ue] adeò frustum panis sequitur, non equa modò, sed etiam lupa.* Quis docuit Psittacum suum *χαῖρε?* Magister artis ingenij lar-gitor Venter. Itaque non gentes tantum, sed etiam bestiæ, & impudicæ mulieres, bestijs abiectiores, nihil non faciunt, vt panem acquirant. *Græculus esuriens, in cælum iusseris, ibit;* quid dico, in cælum? multi quotidie, mensæ caussa, in ipsum eunt Acheruntem. Meritò igitur ait Dominus: *Nolite solliciti esse &c: scit enim Pater vester, quia his omnibus*

Matth. 15:
33.

Matth. 6:
31.

Prou. 6:
26.

Persius
in Prol.

Matth.
4. 3.

Matth. 4.

Deut. 8.

3.

Psal. 54.

23.

Isa. 49.

14.

indigetis. Itaque cum Stygius hostis multos aggreditur alimentorum curâ; cū iam hunc, iam illum alloquitur: *Dic ut lapides isti panes fiant*; cum iubet omnem lapidem moueri, vt venter impleatur; cum varias artes docet pecuniae, panis, vini parandi; cum denique à se vult disci, quomodo liberi, vxor, familia, humana vita sit sustentanda, & cum sexcenta hoc genus insanit; gladio aptiore non potest repelli, quam diuinæ Prudentiæ Bonitatisque protestatione; quæ clarissimè indicatur illis verbis: *Non in solo pane vivit homo, sed in omni verbo, quod procedit de ore Dei.* Quam artem etiam docuit Dauid, cum esurienti dixit: *Iacta super Dominum cura tuam, & ipse te enutriat.* Ne puta eum tui oblitum, & ne dicas: *Dereliquit me Dominus, & Dominus obesus est mei.* Numquid obliuisci potest mulier infantem suum, vt non misereatur filio uteri sui? et si illa obliteratur, ego tamen non obliuiscar tui.

§. II.

Dei suos aentis exempla è diuinis litteris petita.

Exemplorum affatim diuinæ paginæ subministrant. An non enim primum hominem in admodum fructifero horto collocauit?

An